

集部

欽定四庫全書集部

敝帚豪墨卷二

磨銀貢生臣王兆泰

主事臣吕雲棟覆勘

詳校官庶古士臣李傅熊


欠このにたいまう 欽定四庫全書 提要 散帚豪客八卷 告從朱子學少時即聞心性之旨歷官所至 致仕卒贈少保益文前宋史本傳稱恢諸父 簽書極客院事封南城縣侯以資政殿學士 父建昌人嘉定十三年進士歷官刑部尚書 臣等謹案散帶豪客八卷宋包恢撰恢字宏 敞帚葉書 集部四 别集類三宋

金河口及白雪 傅 巨 有云恢以學問為時師表平生為人作豐碑 史傳亦絕不及其著作惟元劉張隱居通 道傳中偶忘刊削此事也恢平生不以文名 破豪猾去姦民治盡獄課盆鹽然于賣似 姦迫異盖宋史于道學諸人例相褒美而 珚 致以肉刑從事兩傳皆出托克托手乃賢 人稱 刻每下筆汪洋放肆根據義理娓娓不 7 似道行公田法時恢知平江督買民 提要 心 窮 道

欠己りるとふう 熙殿克莊奏之有記宣取歐聖弱為作進表 為儒者之言矣隱居通議入稱恢生平最疑 諸篇亦到切詳明得敷奏之體其立身雖在 蓋其學力深厚不可涯法云云獨推重之甚 周禮六官辨景定壬戌恢與劉克莊同侍緝 周禮以為非聖哲之書遂者書剖其非號曰 君子小人之間置其人而論其文固亦不失 至今觀所作大都疏通暢達沛然有餘奏智 敬奉養者

金与正月在事 集之始末也乾隆四十六年九月恭校上 識及門人鄭无安書後附于末簡尚器見是 馬氏經籍者皆未著録世亦别無傳本原目 載 故未經收入數集為候所自編宋史藝文志 骓 七十餘首詩八十餘首釐為八卷而以恢 已不可考今從永樂大典採掇編緝共得 所辨未當而表則極住云云此事本傳失 而六官辨亦不在集中意其有别本承 行 自

< !	 		1 24/34/15	. S. Milden M.
200				
版章業品			褪	總宣
			總杖	不管
Ì			官	的原
=			官臣陸	總衛官紀的陸錫熊 孫士兴
			費	孫士
			弹	毅



炎足四車全書 家聖思除臣浙右司集付以平寇之責重念臣既 不竭盡其愚臣病惟此寇横行王畿之內 敬帚葉畧 思所以仰稱陛下聖意者顧 蘇而又懼疑若避事故不敢 包恢 撰

者大異其繫國家之休威至不輕也且安吉去天咫尺 處使止於私販鹽茶賣酒則其罪猶小若有田不必納 財物掠人婦女剖人心腹折人肌體有一人而智殺數 十隻衆數百人軍器數百件出沒太湖往來鎮市切 祖則非王民殺人不必償命則無王法一出動是船 而長與縣之嘉會長與兩鄉十有七村如浆浦環沉等 與竊發於遠方者不同深為腹心之患與派毒於四肢 金グロググラ 人者慘莫甚馬其見於大賊首陳超陳洧沈文海沈

大江日西人 **是缺愈張於是知其決不可以善誘遂密為規畫潛行** 所不及其至矣奈何歷四旬有餘其大頭首如二陳二 以大刑甲兵加之凡以再三化誘者惟欲變强悍為善 煥等之所供具有實遊實証其為非王民無王法至此! 沈恃其强獲負固不伏克頑猖獗銀戈礪刃逆謀叵測 糾率土豪以説誘之者又不知其幾自謂曲盡思意無 良爾故嘗諭以榜文者凡二密遣将士以招之者凡五 極矣臣始者到司惟欲仰體陛下寬大之德意未敢遽 1 故而業界

懼其奔突四出貼禍鄰境乃於諸處汉港及山徑可走 吳長平望香蘭馬跡皋塘等寨兵五百餘人為之鄉導 之處在陸路則如車塘水口鎮吳城步等處在水路則 浦都統劉達有謀有勇用以總制諸軍水陸並進臣又 調遣以許浦二千人也於陸澉浦一千人也於湖又以 如荻浦港陳潰港及太湖諸汶港等處並多分兵守把 顧 運統制劉師勇将一軍 澉浦統領表發将一軍以許 及委安吉州調兵防遏大錢諸港牒廣德軍差兵防禦

金万四周台書

大三日日 白本 徒未嘗及一無辜雖有逃于幽僻之野髙險之山窩藏 兵絕其奔进使之窮氫悉就生俘而已故諸贼始雖欲 空之可也但臣素立成畫誓不以殺戮為威但臨之以 之兵四集賊黨褫魄無一漏網當是之時雖一洗而盡 欲走無路其賊首素有姓名既東手就縛其城黨未知 姓名者則鄉之平民皆指出而就擒無非平日稔惡之 過界且先是惟以建寨多屯為名潛機不露一旦水陸 拒及兵威既振則欲拒不能始雖不走及把截周密則 敞帚葉岩

無妄殺之過始終持重欲圖萬全幸協初謀不致敗事 典刑者一百二十餘人其餘俱刺為旗軍分籍江淮幸 安堵幸無玉石俱焚之患已擒到者恐其間不無枉濫 獲到軍器一千九百餘件船二百餘隻兵不血刃百姓 金万四周有重 又就安吉州置都勘院多差官吏分勘盡得實情凡正 人其自知罪犯難逃而投於水縊於山者又不知其數 之家者亦搜捉無遗陳超陳洧沈文海沈文煥四亮之 外凡生獲三百八十餘人軍前招剌為軍者又二百餘 卷

戰之盛學也臣不過飲水威命實無寸功之可言护臣 久正日后 ······ 罪戾所不足惜而事之不集豈不重貽宵旰之憂哉今 堅定一意確然不移盡排羣議卓然不感則臣之陷於 問雅語流言捷出可畏自非陛下淵然深點超然遠覺 德威惟畏德明惟明不怒而民威於鈇鉞王者有征無 深有感於中者臣以才薄望輕冒當重任真不自量中 例實典惡類除根良民吐氣境內為之肅清實由陛下 外有賊之謀主部宗煥及團結始禍人洪福何正鄉亦 敝帚菜畧

之有鄉士非鄉之所論秀而以善名一鄉者乎有國士 問天下有公是非一或有異非其私耶至若是者非者 獨有一人馬異以為非該曰非私其可信耶且以士言 百千萬人之為衆耶或者有百千萬人馬同以為是而 之寡孰若是者非者之我之為無私耶一人之寡孰若 徽倖底定所有始末大畧謹録奏間伏乞齊照 策問 策問是非異同 卷 文已日日 And 異以為非者所以為善乎然鄉原者一鄉皆稱原人非 善士斯友天下之善士非鄉國天下同以為是而莫有 友一鄉之善士一國之善士斯友一國之善士天下之 聞人非一國之善乎孔子獨不是魯國之言而戮之雨 非國人之所同稱而以善名一國者乎有天下士非天 何歎借曰非善何至以賊名之耶少正卯者魯國以為 下之所同與而以善名天下者乎所謂一鄉之善士斯 鄉之善乎孔子獨不是一鄉之稱而指以為德之賊 敝吊葉器 五

金公正是人 觀之下何數借曰非善何至得誅之罪數楊墨者天下 據必至聖賢如孔孟者然後定有非可以異同多寡例 以為無君父之禽獸何數借曰非善何至以禽獸目之 論數然在下而取士為友尚非其善則害德敗俗其禍 之言者歸之非天下之善乎孟子獨不是天下之言而 事發於其事害於其政其禍不其大數是次擇是非之 剱是非之端人心所同不可誣也 直人之是非皆不足 小在上而取士為用尚非其善則生於其心害於其

一國不必知其善况天下乎舉而用之宜敗大事也夫 諸葛躬耕南陽尚全性命不求聞達是二人者雖一鄉 善况一鄉一國乎舉而用之宜成大功也夫何一出而 浩有威名至以去就占與廢朝野推服房琯有重名咸 **輒敗大事耶至於韓信家貧無行寄食漂母受辱跨下** 言其謀包文武有王佐才是二人者将天下莫不知其 皆日賢用之可也天下歸仁馬用之可也然後世如殷 際尤不可不謹與曰鄉人之善者好之用之可也國人 とこうこここ 放吊禁器

前日之弊矣夫何比者廷紳有請尚慮公道之未大明 有譽寄居並許以書薦人明言某人有某德某人有某 歎而其說必欲內而侍從臺諫外而監司帥守及賢德 難也舉人之難也抑非舉人之難也知人之難也其來 久矣我皇上更化以來首嚴薦舉發書之禁固己一革 及不若鄉國天下之皆無稱者之為善數是非用人之 才此豈非亦言其人有徳乃言曰載采采實臯謨知人 一出而輒成大功耶然則鄉國天下之皆稱善何為 とこりら こい 者矣以大賢大聖之忠而猶有時不見知如此况其下 薦者决不徇私而容情舉者可以因名而責實信由是 知者十哲人而已當時四國皆流言則天下有不必 已中間當死于陳蔡則一國有不必知者矣忠如周公 傅巖則一鄉有不必知者矣聖如孔子知者羣弟子而 人之不明數賢如傅說知者一武丁而已先是當築于 之遺意乎直非欲合鄉國天下之公論乎以是求人則 可得人敷抑如是則不患舉人之不公矣無乃當慮知 散帚菜男 知

儒學文雅取歎則入侍登朝者又以臟敗知人豈非 行或違以文章才名取數則浮躁淺露者必不享福 若夫所識者具在一鄉則或徒無舉無刺似忠信產潔 下則或徒為我為義兼愛為仁而處士橫議者數以 談說足以飾褒榮衆强禦足以返是獨立者數其在天 而我皆悦之者數其在一國則徒居處足以聚徒成黨 者乎然惟賢知賢惟聖知聖惟忠知忠衆人固不識 取歟則有言者不必有德以容貌取歎則色取仁 議

於鄉國天下之善士於人必有聞於已必有見庸可以 善則又豈知人之正耶方今泰交道亨方欲飛賢咸和 白 於朝而無或有遺於野也諸公宜合古今而並論之其 知 飲彼有覈論鄉曲月更品題必有如許子将之識然後 郭有道之明然後知天下之善士數然皆惟以人論之 くこう え 之鑒然後知一國善士數天下拔士咸稱許郭必有如 遜而不以自勉與三者必有一得於此矣幸詳以告 鄉之善士數太守一見薦達郡士必有如符偉 敝帚葉畧

海寇雖未嘗無之然未見如近年之猖獗近年雖無歲 銀定匹庫全書 者必将復來其散者必将復合敢不漂遵頒行措置盖 之策其契勘得海道日下雖暫肅清然秋深冬初其去 備臣寮奏請行下帥司提刑司令多設方畧以為捕盗 照得果昨准省割備臣寮奏請令福建安撫司提刑 及泉州各任責令措置多設方略期捕海冠再准密割 狀 防海寇申省狀福建 む 司

遂一旦掃清宣易言哉且告時海道之得捷惟有李寶 艦散入諸洋則難以蕩滅止有一策可出萬全而其策 姑借李寶之事以為喻寶曰海道無險要可守萬一 膠西之一功雖勝敵非勝賊也然事體亦有大不同者 勒捕之其今若未能别有奇策且未能盡備其具而欲 則敢登海岸而放火劫殺矣前乎此猶聞舟小人寡今 無之然未見如今年之充横前乎此但聞就海劫船 欠こりことこう 則飛至數千而巨艘千數矣措置躺捕委不可緩但有 散吊茶客 後

有堅好可涉風濤者百有二十所用者軍兵也實則有 驗虚實以無誤其成績海道之具所悉者舟船也實則 之策所密者用間也李寶則有其子潛入敵境何動静 亦在隨時出奇隨機應變難以刻舟而求劍也况兵家 敵之比也然亦必熟捕之有其策固當多設方畧也然 機適得其地而其策不一酬卒以成功今此賊固非 可以得志其後用此策而適當其可適遙其會適中其 則惟欲垂其未離巢穴掩出不意因其驚擾而疾擊之 彼

金只四库全書

欠己日后 A. 悉亦難備述姑條具大略如後須至申聞者 量勢度力隨宜斟酌而旋行措置又宣容不盡哉其纖 實也實則有銀絹萬數以為軍實所妙者火攻也實則 器也實則有旗幟器械号刀戈甲莫不具備所仰者軍 時異事殊自難例論固不敢望如李寶當時之整辦然 有火箭環射烟焰隨發不一時間延燒數百者是六者 三十人乃二折福建五分号弩手非正兵也所仗者兵 乃具策其具亦兵家之常事非詭異也豈容缺一哉今 散席豪客

誘其頭目以散其徒般挺身出降又密誘其徒聚以擒 金分四月全書 庶幾用間之桁 其頭目或斬其首級率衆歸附諭以禍福許以重賞亦 人要盡得具衆寡强弱之狀且多設機謀多遣游說密 鹞者隻數甚少且近以賊船比之彼皆高大此反低小 動息官司反邏不得其實所合措置精選善為察探之 一合欲略備舟船則福州僅有延祥教蘆所謂赤馬白 今欲略做用問則官司動静賊未嘗不知其詳賊船 卷

計 其他諸寨用亦各不多此外則惟泉州左翼猶有大 兵稍識海道魯語水戰岩其他諸尉諸寨非深語習 得委曲區處反覆勸諭以示其自衛鄉井自保室家之 今欲略增軍兵則如福州又僅有延祥於蘆雨寨之 可得舟船之用 小樣未必可以制敵且百姓亦未必樂為吾用又只 濟因者為舟師之計只得團結民船以助官船 因公及私同舟共濟且求以多為貴以張聲勢亦庶 ĭ 张 和茶器 <u>+</u> 但並 船

水之人多辨鑿船截松等器具併行下總首民兵各自 自當多多益辨不容少有欠缺外此則當多招善於投 槍权刀劍等亦須色色精利此乃官兵将佐常用之器 用 語水勢總以各澳長以備緩急掎角庶幾可足軍兵之 亦只得募集民兵以助官軍彼其在海岸素知地理素 但可為助耳除左翼軍可以調遣策應外為足兵之計 欲略備軍器則舟師水戰弓弩為先須先多備次則

舒定四库全書

巷门

大功全籍軍實之裕 兵非難用特錢糧難辦耳得遣愈多調度愈廣有限而 人不足以持久而已須預先辦集以備不測受給差官 來已蒙朝廷行下運司應辦矣但為貴浩大為數宜多 不繼稽違而不逮一或之與立致誤事非惟不足以使 措辦庶幾可濟軍器之用 今欲略備軍實則本司自無分文粒米可應軍需昨 一應副又須乞朝廷不惜重費欲奏大捷除大患成 散帝繁夏 ļ

海上之人若能同心協力處處嚴行禁止痛加拒絕使 之密處以何便乗機而發以備火攻之法 金片四库全書 捷尤更神速外此則多括善水民船多載乾燥火草藏 自有見成可用之概近延祥寨官亦見依法做造但恐 不能多耳今當計其費用給之錢本責其多造舟師 今欲少做火攻則所在軍中自有火礙之法左統領 雖在海中而日用飲食之物無非取之海岸之上尚 擒捕此贼本只海澳土豪隅總等之所能辦也盖此 取

次色日日 在土地 於各海澳去處團結保伍統以澳長如有一家停藏賊 嚮導是賊徒猖獗充横皆吾民之通同而至此也今須 之民多有所取利其珍寶動千萬計則富者為之停藏 長為将深防固守使不得近岸近則聚聚擒捕隨以官 其不來其小小魚船以捕魚為名者又多為賊之耳目 徒引接職者保伍並加連坐遇有賊船者保伍民兵澳 貧者為之役使甚至多起酒樓多設效館以誘之惟恐 不得上海岸則非饑死亦渴死矣将欲何為哉唯海上 敞帚葉畧

海 金月巴屋白書 首等須假以名目候其有功與之正補官資而保伍民 軍擊之被将有送死而已此項見欲措置施行 兵候有勞績亦當等第推賞無幾樂為官司之用此項 所推者貼補總首件之專管結集保伍以充民兵其總 須聽自朝廷指揮施行 海各有澳可加防守澳各有長可為總看百姓各居 賊人頭首不過一二人多或三五人此外人雖衆多 鄉可習水戰令廣擇有物力之家且素有幹器為聚

者 发記日為 人 使為從者或擒其首或斬其首以來歸則亦當賞以上 也今除密遣用問外合又公行榜示顯示重賞使為首 得明立賞格須聽自朝廷指揮施行 相猜疑亦足以間具心而離其黨必有一應者此項要 項官資錢會非惟不加罪而已其首與其從聞之必兩 不 皆是隨從或是脇從未必人人樂為賊用其頭首者豈 日下散衆投降則當賞以其官其職錢幾千貫文义 知世間未當有不敗之贼未必全不識利害禍福者 散帶葉果 占

金公四月全書 郎等以至進武進勇校尉副尉告命綾紙若得朝廷多 為海寇言也海道洋洋無際以一州之境已自不可窮 必斷不可亂此亦須聽自朝廷指揮施行 避退縮既不用命反致敗事者定行軍法賞罰須是信 而勇往直前者如或有違節制有違軍令逗遛阻撓畏 行頌降以待行賞上而兵将下而隅總必有希慕歆美 一贼不難捕在不各重賞耳既須明立賞格今如承信 唐人謂羣盗如麻不可尋逐無關可守無要可防正

嚴海商嶼波浪澳小練等處乃行劫商船之所也中 令各縣各寨總首民兵互相察探互相報應的知賊船 相應若散屯諸處則又恐勢分力輕不足以吞併今合 極岩舟師屯聚 南嘯山南匿寨等處而入既入此則涵頭迎仙江 姑以福州之境言之賊船自北而來者則自溫州界 在會合夾攻無幾有濟此項見欲措置施行 銅盤山半洋碓等處而入自南而來者則白與化界 處則無常山蛇之勢首尾固不足以 散帝茶果 土 間

多定匹庫全書 取其首尾中相應若浙東廣東欲如首尾中之相應則 與化之間中也本路既將行下諸州諸縣例行指置要 尾也福建中也以福建而論則福州尾也漳泉首也福州 置乃常山蛇之勢也盖以三路而論則廣東首也浙東 敢輕言大縣北而浙東諸郡南而廣東須一體嚴行措 有可以增損守禦之處此外則海勢闊遠事體重大未 斷使南不得以過北北不得以過南必可成擒此處尚 西之小練山東之荻蘆頭乃南北出入之關若於此把 卷

須聽自朝廷指揮施行 寨官李安國獨敢力與之戰便能生禽殺死其农莫計 我何者而不知其初無能為也如今年之夏福州延祥 是致在海之賊洋洋得意聲勢愈張驕橫益甚若無 類彼此兩相迴避者即未當見官軍與賊人次戰一合 船水軍非勢力不足者則又多不肯向前東西向背大 如寨尉等力小勢輕固若不足以敵至有諸司調到戰 向來賊船在海其不知虚實者例皆望洋戰懼而已 17:51 7:51 赦而禁君

数目而彼即很狠進退無路乃自此散去是一次戰之 銀定四庫全書 家措置如一 虞縱之使去不逐不殺則未知肅清之日合三路為 功也今若三路合謀併力夾攻合戰為滅此然後朝食 從行 施行劄付本司以所申防捕海寇一十三項委合事宜 一計則彼将何為哉若是各守界分幸其出境即為無 禁銅錢申省狀涯使 一體兵以殄滅為期此項須聽自朝廷指 揮

船自離其國渡海而來或未到慶元之前預先遇温台 大小り 一人 既準指揮豈容自點竊惟倭船一項其偷漏幾年彰彰 使臣其伏準省割行下本司責令體訪係其漏泄銅錢 如沿海温台等處境界其數千里之間漏泄非一盖倭 明甚已不待贅陳但漏泄之地非特在慶元抽解之處 有萬全禁絕亦緣人微望輕未敢出鴻毛輕率之言今 利病其竊於此事久為國家寒心弟事大體重非惟未 之境擺泊海涯富豪之民公然與之交易倭所酷好者 散帚荣界 せ

文得之似此之類好民安得而不樂與之為市及倭船 銅錢而止海上民户所貪嗜者倭船多有珍奇凡值 數計矣今欲過絕慶元漏泄之弊恐别亦無新奇之策 台城一日之間忽絕無一文小錢在市行用乃知本 回旋於温台之境低價賤賣交易如故所以今年之春 離四明之後又或未即歸其本國博易尚有餘貨又復 百貫文者止可十貫文得之凡值千貫文者止可百貫 民好弊至此之極不知前後輾轉漏泄幾多不可以

とこうる 華舊弊而比在慶元則似大相遼絕然又當竊有疑馬 來乎惟硫黃可供軍需者許其博易抽解則舶之來者 切之用雖無之未至如無棺木之送死直不可禁絕其 之需雖無之未至如五穀之養生板木不知濟何等急 之得以博易吾銅錢而歸是猶以土而博吾之真金以 倭船之主抽解之埸初不過板木螺頭等潑物耳而使 惟復祖宗舊制仍舊就華亭置司抽解則雖未必能全 石而博吾之美王利害本非難見螺頭僅可以供燕飲 2.1. 敞市業界

豈不悮哉雖曰其歸也差官檢空然後通放然此亦 具文耳盖非特官吏不廉不公例有所受而不從實檢 必少而錢之泄者亦少聞之每歲往來不下四五十舟 現錢或寄之海中人家或埋之海山險處或預以小舟 其內之所藏為數浩瀚况又其計好能先是逐時積 乃無非木板螺頭等物而坐聽其空褐吾國家之重寶 |船底莫非錢也檢空官一過其上一望而退豈嘗知 也亦以倭船萬大深廣人以百計歸船視來時尤重 得

金只四月全書

當檢者有之此漏泄之所以不可得而禁也倭人固非 處逐旋搬入船內安然而去又或者其歸船撑去隔二 至慶元城下相與集處竊恐事久情選非特吾民将化 其他戎狄之比然異氣殊形配徒惡類與吾民交易以 三十里所差官檢空不及亦只得應故事姑聽其元來 とこうにしい 搬載前去州岸已五七十里候檢空記然後到前洋各 可坐視而不為變通之計乎雖然此為慶元漏泄而論 而為倭而變生禍作有出於不測者非但泄錢而已 1 **桜帯楽器** 尚

或過之盖諸番國各以其國貨來博易抽解並是漏 洮 於泉之番舶廣東之錢聚而泄於廣之番舶 建泉州與廣東廣州之市舶兩處無以異於慶元而 貪好而凡係抽解之司無一 金定四库全書 止 色現錢而歸尤不可以計其數矣福建之錢聚而 볘 漏 如海水之無窮其将盡入於尾問豈不至枯渴者 泄一處耳若某所慮實有數處敢因言之盖向之 惟倭好銅錢今則間海外東南諸番國無一 T. 卷 處不漏 泄慶元之外岩 雨路之 國 鈛 不 福 又 泄 泄

2. 7. 1. 2.1 海商漏泄之大者也又其次海上人户之中下者雖 能大有所泄而亦有带泄之患而人多有不察者盖 南至廣州沿海一帶數千里一歲不知其幾舟也此又 番貨干貫之物以是為常也此則北自慶元中至福建 是一貫之數可以易番貨百貫之物百貫之數可以易 則此土販海之商無非豪富之民江淮開浙處處有之 貨其實以高大深廣之船一船可載數萬貫文而去每 亦多有假作屯駐之所營運軍需為名者雖曰他有雜 軟帶原果 Ŧ 因 不

多定四庫全書 則所帶者多銀乃競賣現錢買銀凡一雨止一貫文以 何憚而不為者又有一等每何番船之來如泉廣等處 歸少或十貫多或百貫常獲數倍之貨愚民但知貪利 然已上二者猶是番國人與吾國人為弊至此極也若 之民無一家一人不泄者此一項乃漏泄之多者也雖 上得之可出息雨貫文此乃沿海浙東福建廣東海岸 有海商或是鄉人或是知識海上之民無不與之相熟 謂帶泄者乃以錢附搭其船轉相結託以買番貨而

尤甚馬一年每月若干一月一次漏泄不知何為不器 演是也盖 肚水軍去處每月多是現錢支給此錢一 12 (1) O was 2. 1.1. 處及此者此錢係各州通判廳所辦也極其艱苦措置 亦以為常而恬不知怪也廣東水軍尤純支現錢漏泄 未嘗得使自本州支出則城下大舟徑載入番國矣此 出固是不可復入散在外州可也今乃未當到寨軍兵 在官司則有明明與之漏泄而曽不知禁者水軍之漏 不及一月僅了又處後月動是多方免借以應急時刻 敞吊葉界 主

金点 一霎時沿邊尚有鐵錢防漏泄也今隔海即是與國一舟 軍以來不啻當以千萬億兆矣此又漏泄之最大者也 不可緩也是此錢非以支吾軍乃以送番人耳自有水 痛革前弊或者各州市舶司别與置一官司專一 計須是朝廷急作變通之計非其小官所敢與知也其 關防重立賞罰於舊條法及賞格中更增加嚴密施行 可以直到而不慮及此县竊惑馬然此一項乃軍國大 如泉州廣州之抽解去處須與慶元一體别立規模 四月全書 一緒察

然不遇遠配而止在今日則為情重法輕人不知懼又 官員罷默吏卒遠配情理重者又别重作施行外此則 無所忌憚今須詳酌舊法更與加嚴犯者斷無容貸責 至贩海之商沿海之民犯漏泄之罪者在法雖有明係 之各州知郡各縣知縣協心任責申嚴督責巡尉不住 未當見嚴切舉行所以愚民多不知法知者亦敢玩法 12 1. O 1. O 1. A. A. A. A. 州縣既不任責巡尉亦不巡捕名曰巡捕又不獲實錢 捕如獲到漏泄之錢照條法中賞格一一推賞不然 松常葉星 Ī

一動定四屆全書 等並以正漏泄人論罪其甲户又當各統之以隅總而 與免罪數之多者又當推賞若一家漏泄九家沉匿不 家漏泄則九家舉覺或配或殺隨多少科罪舉覺者特 法甲內斷不使有引領牙倉等好人容留其間如有此 甲之内如有一甲漏泄則九甲舉覺其法盡如一甲之 行舉 覺定相連坐一甲內並無容恕十甲又為一大甲十 下逐州逐縣嚴結保伍每十家為一甲逓相糾察如 所有中下民户惟有三路十數郡沿海數千里並與行 戡

靈乃克有濟若但行下本司使偏责之郡縣則推轉未 奏乞聖古行下三路十數那一體施行又庶幾仰籍威 年之弊可革也然此其大略耳其詳則乞朝廷特為聚 置 必能使之不應此非可以常事論也外此則又鈺銷 隅總又多通同反為漏泄之主此又全在責之州縣選 2.10.11 1.11 項法令雖的如日星而所在郡縣之民未始一日無 擇公忠為我所服可為隔總之人方許差充州縣各特 局差官專主此一事上下相承持之以久無幾積 极而深思 Ī

金定四库全書 欲無矣使一旦用錢殆将無錢之可用豈不大可為寒 舉世但應官楮之折兑而錢皆置之不問故錢已漏 决乞賜指揮行下須至申聞者 心哉姑據某之愚見條具大概如常是非可否不敢專 方得成一文之利至於漏 治司一年所鑄不過一十五萬貫而費近二十文之本 銷其銷耗又非特沿海而已此又在朝廷别作施行今 卷 泄一年不知其幾千百萬 泄

流 たこのら Com 某昨承不外以佳句一帙見教開警為多盖始終皆欲 追晉宋之風而絕不效晚唐之體此具過於人遠矣某 欽定四庫全書 松帚 火人 不能詩何能知詩但當得於所聞大概以為詩家者 答 汪洋 崇畧卷二 答傅當可論詩 澹泊為萬其體有似造化之未發者有似造 敞吊葉岩 宋 包恢 撰

之色欲有執者留不可得而自有尸居而龍見淵默而 造化之未發者則沖漠有際冥會無迹空中之音相中 然天成無補天之縫罅物各傳物無刻楮之痕迹盖自 雷聲者馬所謂造化之已發者真景見前生意呈露 至腴如彭澤一派來自天稷者尚無幾馬而亦直能全 至質而實天下之至華雖若天下之至枯而實天下之 有純真而非影全是而非似者馬故觀之雖若天下之 化之已發者而皆歸於自然不知所以然而然也所 混

一部员四库全書

1

交色日豆 小二 尋常容易須從事奇崛艱辛而入又妄意以為損先難 詩也半山云看似尋常最奇姓成如容易却艱辛某 而後易益長裕而不設不外是詩法況造物氣象須自 得頓悟如初生孩子一日而肢體已成漸修如長養成 人歲久而志氣方立此雖是異端語亦有理可施之於 以學而入學則須習恐未易逕造也所以前革嘗有學 合哉然此惟天才生知不假作為可以與此其餘皆須 **渾似學恭禪之語彼恭禪固有頓悟亦須有漸修始** 松带菜果

金女口唇白書 晉宋高風而柳實學的者山谷當寫柳詩與學者云能 華平日之才華央知其有可觀者宏齊一詩亦足以窺 承近多作詩賦等欲以示拙者一 大化混浩中沙汰陶鎔出來方見精彩也唐稱韋柳有 如此學陶乃能近似耳此語有味 班矣但竊當以為此等文不可輕易嘗試為之盖古 於詩不尚作不多作而或一詩之出必極天下之至 答自子華論詩 觀雖未及觀然以子

自成文此詩之至也熟發揮是帝出乎震非虞之歌 然有窮智極力之所不能到者猶造化自然之聲也盖 スニアー 與後世詩之高者是矣此盖如草木本無聲因有所 耳或遇感觸或遇扣擊而後詩出馬如詩之變風變 天機自動天籟自鳴鼓以雷霆豫順以動發自中節 則所謂未嘗為詩而不能不為詩亦碩其所遇如 正風雅頌作樂殷薦上帝之或其孰能與於此哉其 狀理則理趣渾然狀事則事情的然狀物則物態宛 4 较而禁思 何 周

觸而此垂之彼有所擊而此應之者故言愈多而愈浮 牽强以起其情本無意而妄想以立其意初非彼有所 為志發言為詩令人只容易看過多不經思詩自志出 詞愈工而愈拙無以異於草木金石之妖聲矣况在心 耳奔避之不暇矣世之為詩者鮮不類此盖本無情而 草木無所觸而自發聲則為草木之妖矣金石無所擊 而後鳴金石本無聲因有所擊而後鳴無非自鳴也 而自發聲則為金石之妖矣聞者或疑其為思物而掩 卷

金片四月全書

ところとこ 志如此故其詩亦如之今人讀其詩不知何如而讀 哉如李如杜同此其選也李之宴坐寂不動湛然冥真 義皇上人此其志也種豆南山之詩其用志深矣義農 心杜之願間第一義回向心地初雖未免雜於異端 去我久一篇又直嘆孔子之學不傳而獨有志馬惟 者也不反求於志而徒外求於詩猶表邪而求其影之 詩之髙者岩陶與李杜者難矣陶之沖澹閑靜自謂 正也奚可得哉志之所至詩亦至馬豈尚作者哉後世 散帚葉器 四 其 是

寂無聊而作則亦不可謂無所擊觸而自鳴者此亦 世騷人文士之常也然揆之以志則有未然者居閒處 疑者此可以言志與詩矣子華之詩謂因居別處獨答 如排浮海畫流水隨止合則見於紙上山小水淡無足 金与四库全書 名公嘗有言曰人心惟危天命不易學者於日用之間 他人之所敢望也今之言詩者不知其果何如哉近世 其亦高於人幾等矣宜其詩至於能沒思神驅瘧癮非 不妨顏子陋卷之樂何為恭寂而無聊若如魯子之 卷二 後

美矣好詩者如進於此也詩當自别矣太白常有超 20. 17. 12 July 之志固非世態之所得而籠絡子美一生窮餓固不掩 聊之態其能道此等語作此等詩乎曰心遠地自偏曰 遂與塵事宴彼方以居問處獨為樂若有秋毫本寂無 性愛閉静曰結廬在人境而無車馬喧曰閉居三十載 七日不火食果能歌聲若出金石乎陶淵明少學琴書 於詩而其志浩然未始一日少變故其詩之光餤不 此中有真意曰聞禽鳥變聲復欣然忘食此其志高矣 散帚葉器 世

說出來又别不假在點而自合若未免億度料想則程 說意在該括反成率合而實非一貫大抵真箇到宏處 活計擇精仁守之意類例未合血脉未接勤小於細之 大古雖正未能無病大概宏有二用有大道本體之宏 金元四库全書 而無分别日宇宙乃活計自己既是宇宙則又直别 有學者功用之宏以宇宙為已分內事謂之本體之宏 磨滅不可不考也宏齋之銘來諭之見自是所恵佳句 可也若自子弘毅則學者功用之宏也今既未免混 卷二 舦 是

先生所謂略見髣髴未能如開目觀萬也却幸於在心 為志上加功不然抑末也本之則無如之何誠欲假此 論學甚高非淺淺者所能及矣然以能問於不能以多 某昨兩家臨顧於山間此意甚厚感當如何且辱長箋 為講明之機故因及之 とこうこ 於寡尊兄固無愧於曽子之友矣而其以空空鄙夫 書 答項司户書)... I 散而禁器 六

金好四库全書 說心贅為形容多為名狀則是已自為支離矣又不知 之元有手足耳目而自用其視聽行動耳若更於心上 靈亦未始有所增學者若能於此自知自明則亦猶身 初未始有所欠及其已有此名是即無名之前運用之 二哉某謂人雖貴於天地靈於萬物然其初也未有名 何以為答愧又當如何哉然豈容不隨其愚見而發 世聖人始立名曰心當其未有此名但見此靈之運用 稱往往止例指之曰靈蟲却不知其所以靈者何物後 卷二

前此所謂全體大用與舉朱文公所謂神明不測者雖 所以為是形容為是名狀誰實為之以吾一心說吾一 得純熟至於無間則全體大用神明不測總不出此 四 K COURT AIRE 鄉方不可尋逐孟子舉此不過以心是活物不可忘不 愈離而為二矣如此輾轉不已正恐愈不識心耳孔子 心以吾一心形容名狀吾一心則心又别似一物與我 語只是說心無形體不可把捉無時節不可拘係無 助贵善養而已如果自見得分明只消如此養去養 松吊葉客 基

金与巴尼台雪 是盡心地位而與夫子四言似差不同然畢竟心無二 矣若無時無鄉則體用神明亦自如是不可謂到此則 此心未純或未到全體大用無欠之地尚知所養則純 有時有鄉矣不寧惟是操舍出入只是言心無形體 心除了操舍出入無時無鄉之心不應又别有箇神明 測全體大用之心總不過一心耳特操舍出入之 用神明之地又豈有形體而操不存舍不亡哉先儒 謂昔賢有不待操而存者是豈聖人之言不是今 際 到

久八日后 仁山 吉 其情狀求其本體則情狀之外又别有本體不知如 心之本體只是虚靈湛静則全是老莊之見口體 所 其竟亡曰雖存易亡則又全與夫子之說大相及曰 用 且未須深說亦未須沒說且只當於養上用功來較之 則孟子之所發四端是已不知以為然否其問 辯亦多合矣但謂此乃心之情狀亦似未穩孔子 以蔽之曰惟心之謂敏更不說是情狀若論真箇情 用中有體則又似體用為二物口貴其能存不容 敝帚素果 如 中 因 有 任 曰

ンス 耳 之大如何能參天地賛化育此全是局於形器恐非 也 五藏之君哉如天之聰明何當有耳目人之聰明見於 而求曰心只是一物方寸大耳為五藏之君若果方寸 心為一藏豈不大誤哉如曰自然而然不假思議無 該包則又豈特為五藏之君無乃自相背馳而來教 易言復其見天地之心乎不知天地有何心藏而 目者止是一竅之發見耳若以聰明止於耳目誤矣 四月全書 思議似又不能酬其言矣又如曰心有精精有光 為 z,

とれつる といろ 狀也今愚見只欲尊兄且自據見今之心本然固然者 成之不言而信也心字自堯舜說起至孔子論語中言 體如何若四端則實發出心之實理妙用矣非形容名 心者三處而已孟子說心最多然即不會形容名狀心 馬百物生馬者正為言之愈多愈見支離而欲其點而 則猶前說之病也惟有總歸之於養則正益子之意也 大概夫子所以抑子貢之多言而曰天何言哉四時行 也具舉夫子四言正只為養而設耳非泛然形容名 散带菜果

所願也 多定四库全書 矣涵養極於純一之地則孔子之心不踰矩顏子之心 在夫言語間也不知髙見以為然否更惟反覆教之是 本不可形容名狀也夫子只四句而今尊兄注脚太多 默加涵養不必只管以言語 解釋多為形容名狀心亦 不違仁即同此心矣心本自若吾惟順而養之耳正不 **嘗論及先儒每教人静坐之説此最學者之真實切** 與留通判書 W.

為奇妙活計此心此理未始卓然自立也若能静坐而 脱其仁淵淵其淵浩浩其天此心此理之本體如此若 要處或者便指以為禪學如此大誤矣夫馬有所倚庇 **处心口医心心** 問無非倚物倚聞見倚議論倚文字倚傳註語録以此 有所倚而流於偏曲者其病猶輕令之學者則終日之 乃吾所自有之物依此據此別無所倚與倚外物以為 不徒倚外物以為主矣却是所謂依仁所謂據德仁德 不倚聞見議論不倚文字傳注語録乃是能自作主字 松帝豪畧

金好四月至書 字傳注語録便似倀倀然無所歸宿然注然無所憑 胸中是未嘗反已就實用功而善未當明何時能止於 走而外反為主直曠安宅而弗居者除了聞見議論文 主者大異矣若静坐不得則是我反為客終日只在 者此其為病最重也常自課功於紙上而不曾課功於 見以為然否 至善哉如以此自試自驗乃能有進敢因及之不知高 答项司户書 卷二

教而少效其愚今舉世不知以此為何事而念所不到 成於此學者固令人降嘆矣但以某為可以考徳問業 欠正日日本 矣第道無終窮學無止法而其始初當有端緒今之所 言所不及者滔滔也尊兄乃獨能從事乎此其有或者 伏紫寵忠長牋詞意發越趨向邁往識見敏明已若老 以此自命則又徒為言中鸚鵡書中蠹魚耳而尊兄乃 則雖辱過與之意而非其之所敢當也然豈敢不因來 獨能求諸身心性命之間可謂超然度越乎俗派俗學 • 松常葉翠 1

未有明證也故書中所論或有小走作而未純大概欲 之虚浮而未就著落歸宿之實地或主军未定而受用 尊兄之所見雖皆合而不畔然其稍疑猶涉言論識見 當自課自驗者且當辯其虚實若反而觀之有所著落 而居之則為實矣如或未有者落未有歸宿未有主字 有所歸宿有所主宰有所受用如在吾家得利用安身 未有受用如在逆旅而未知安宅之何在則為虚也今 見其貫通而猶若牽合欲見其廣博而猶若曠蕩本是

金月四月日香

似 則 常理常行而反若張皇本是簡易要切而反若泛濫未 斂静密涵養之體驗之所謂萬宇六合充満天地此 未至之者也又如惰則忘極意則助長纏繞則昏徑 則外此其說病是矣然所見若實則此病自無更在 不實實有偏全統雜是矣然正以見不實者有此病實 言此心之體用如此非可以為有天壤之異也見有實 見之盡而知之至矣偏全統雜非見之病也知至 7 一據正就實而平貼安穩也如操舍出入乃朱子 M 放希案界 <u>+</u> 则 あ 收 捷

者耶自告聖賢言心者亦衆矣未有如是之詳複者舜 有未安盖心無形也何反形容如是之多若有形之物 包羅則将有窮大而失居之病矣乃所謂無者落歸宿 金万四母全書 用意甚廣甚深固非淺沒者所能道也然揆之愚意却 無主宰受用者也不知髙明以為然否若夫心言一篇 也未嘗在外若不在吾不在我而在外安排料想該 也然不出吾心所謂氣塞天地者吾也萬物皆備者我 心安排料想該括包羅慮其遺漏本體固然無二物 卷i

解 過 雖 聯 惟心之謂戴四句則夫子所以形容名狀者如此而已 無形之心者守心二字尤不經見如驅殼方寸之內 王惟克宅心無他言也論語言心者三處耳盖子言心 之傳禹不過日人心道心危微而已成湯以禮制心文 **處開端發原如一** 此以往未之或知矣今尊兄雜形氣而言之似未 要只消的明沖和不可言說二語足矣此二語又 多然未始形容名狀其為何若以無形而不在言 開一闔兩位既定等語殊有所未 次即家見 明 也 少口

凡為學之道必先至誠不誠未有能至馬者也何以見其 處外此有言有見皆妄也此愚見也如髙明以為然則 銀定匹库全書 還有以教我幸甚 心見得道理必明則即此便是著落歸宿主军受用之 **基竊謂尊兄且宜放下許多言說識見只據今見在身** 篇之古自背易曰默而成之不言而信存乎德行 論 論立身師法 悉门二月

くこ アー・・・・ 凡勤學須是出於本心不待父母先生督責造次不忘 我所未能當勉而行之或我所行未合於六經語益中 恭欽如對聖賢掩卷沉思必根義理以開邪解行之悠 寢食在念然後見功尚有人則作無人則報此之謂為 便使改之先務躬行非止誦書作文而已 凡為學之道必須一言一句自求已事如六經語孟中 久習與性成便有聖賢前單氣象 居處齊莊志意凝定不妄言不茍笑開卷伏讀必起 散希察署

新定匹库全書 周 熟記得堅固若是遍數不多只務强記今日誦成來日 父母先生勤學非為已修終無所得 凡係已誦過書每日誦所授新書外即從頭通誦 凡欲誦經習史須事專志屏棄外物非有父母師長之 便忘其與不曽誦讀何異 凡讀書必務精熟若或記性遲鈍則多誦遍數自然精 而復始日以為常則自然永遠不能遗忘 不得因他而報 · · 谝

意務於經內自有所得若反復誦讀至二三十遍以至 凡講究經旨須是且将正本反復誦讀求聖人立言措 譬如法家之有律令格式賞功罰罪合於律令格式者 為當不合於律令格式者為不當諸子百家之言合於 說以為定論不可汎汎莫知所適從也 凡閱子史必須有所折果六經語盖其子史之折果 也 不明未可通晓方考諸家解義擇其所當者取一家之 五七十遍求其意義不得然後以古注證之古注訓釋 . / . / . . . / . . . 设部委员

聲律從頭徹尾少精神無眼目斯為下矣 僻平污與夫柔依不情相誘為非者慎勿近之 議論孟子之非當求孟子無不是處若不識片段不達 古之人而去取鮮有失矣故學者當以六經為律令格 凡見人有一行之善則當學之勿以其同時同處貴耳 凡取友必須趨向正當切磋琢磨有益於已者若乃邪 六經語孟者為是不合於六經語孟者為非以此夷考 以語孟為新案諸子百家則其情疑也近年學者多

金定四庫全書

M

卷门

學 賤目馬 次足马車上馬 凡見人片文隻字可以於式隨手録之聞人有一言半 我告則止於此耳不能日益也故一人之見不足以兼 百人千人則在我者豈可量哉 凡在朋僚中切戒自滿惟虚故能受滿則無所容人 可以覺悟後學即點記之汲汲馬恐失之此之謂好 我能取之十人是無十人之能矣取之不已至 敞吊業界 夫

虞夏之歌鬱陶乎予心顏厚有忸怩五言已權與於五 五言之體說者類以為始於漢之蘇李自不思詩原於 不得發亦而惡其逆已也 則終身服膺而不忘其或不從則退而自省揆之以道 能為我盡言之我則致恭盡禮虚心而納之果有不從 制撰文字有所未工以至人有盡善者或我有未善人 凡求益之道在於能受盡言或議論經指有見不到或 論五言所始

次年四車全書 ! 指前公相襲從漢迄今用一律寥寥久哉莫覺屬者況 體格以做做而為之一有不合即從而非之固哉其為 越天機之妙鼓舞天籟之鳴動必規規馬拘泥前人之 格之始於誰乎後世略不能自詠情性自運意古以發 詩也真所謂惟古於詞必已出降而不能乃割賊後皆 風者由此其選也然歌詩出於虞夏商周又不知其體 因漫摘出以與學詩者評之亦無幾知選詩之猶有古 子歌矣厥後三百篇中諸體畢備而五言尤彰彰可見 心带 葉客 主

兄弟 維以不永懷 何如也 胡為乎泥中 又未嘗深究源委者乎因併及之不知工於詩者以為 不與我戌許 侧 句類所起 在南山之下 不如我所之 俟我於城隅 河上平朝翔 維以不永傷 無使龙也吠 于嗟乎騶虞 不與我戊申 匪女之為美 在南山之陽 河上乎逍遥 不與我戍甫 遠父母 贈之以 在南山

念之 無室 次至日東全島 四 其始播百穀 胡為乎株林 如此邂逅何 析新如之何 宛在水中央 殊異乎公族 甘與子同夢 之日于貉 樂子之無知 四之日其蚤 如此梨者何 取妻如之何 散帝景客 宛在水中城 不敢以告人 二之日其同 無庶子子憎 關子之関斯 樂子之無家 不如子之衣 殊異乎公路 宛在水中址 上入執宫功 如此良人何 **蓺麻如之何** 樂子之 胡纸我 殊異乎

獨賢 能言 無羊 予王之介牙 予王之介士 念國之為虐 無忝爾所生 殿天子之邦 何 グロ 盆之以康乘 誰謂爾無牛 得罪于天子 兄弟鬩于牆 1.1.1.1 爾居徒幾何 至于巴斯亡 我獨不敢休 無害我田科 誰從作雨室 不宜空我師 如南山之壽 老馬反為駒 不可以簸揚 正大夫離居 毋金玉商音 **戲戲靡所騁** 鶴鳴于九泉 無淪胥以敗 伊寡婦之利 哀哉不 誰謂 毋 我從事 练 爾

家室 微音 無 大三日日在二 君子有孝子 誕置之平林 古之人 殷之未喪師 侮 無斁 誕我祀如何 君子有徽猷 四方以無拂 以御于家那 ŸĮ. 誕置之寒水 誕先登于岸 泂酌彼行潦 有虞殷自天 故而秦客 武王豈不仕 肆戎疾不殄 授几有解御 侯文王孫子 曾莫惠我師 使不挾四方 以對于天下 誕后稷之檣 序賓以不侮 肆成人有德 於緝熙敬 武敏歆 九 斂怨 太姒嗣 即 四方以 有 ソス 邰

之宅 為徳 訓之 雖無老成人 金分四月月月 實請夷我那 相 肆皇天弗尚 攸 山甫出祖 徽申伯土田 時無背無側 與迷亂于政 以先祖受命 曾不知其站 枝柴未有害 仲山甫祖齊 無淪骨以亡 仲山甫之德 命程伯休父 女雖湛樂從 以無背無卿 萬民靡不承 在夏后之世 昔先王受命 仲山甫永懷 我居圉卒荒 罔敷求先王 王命仲山甫 匪上帝不時 定申 日辟 為韓姑 四方其 伯 國

皐 不忘 岐有夷之行 帝立子生商 孫 復周公之子 蹻蹻王之造 百里 さい うに 陶 武王靡不勝 未堪家多難 **鑽太王之**緒 駿奔走在廟 文王既勤止 宜大夫庶士 吴天有成命 則莫我敢曷 松赤菜果 肇域彼四海 則其我敢承 以保明其身 無射於人 成王不敢康 實左右商王 我祖維求定 我受命溥将 斯 肇允彼桃蟲 殷受命咸宜 天錫公純嘏 駿惠我文王 Ī 以保我 淑問 繼序斯 在武丁 如

栗烈 金定四库全書 瑶 後生 納 不爾或承 濟盈不濡軌雉鳴求其壮 禾稼 投我以木瓜報之以瓊 投我以木李報之以瓊玖 雨 句 三之日于 風 類 唯 雨 所 酒食是議無父母治 耜 漂摇子维音晓晓 四之日舉 卷二 琚 期我乎桑中要我乎上宫 投我以本桃報之以 肚 雅 之日獻發二之 九月築場圃十月 如 松 誰敢執其谷 柘之茂 瓊 0 無

臧 聲以色不長夏以革 吴天其子之實右序有周 たこうこ 之方殿屎則莫我敢葵 厥愠亦不陨厥問 倉乃求萬斯箱 如匪行邁謀 未堪家多難予又集于夢 **伊爾昌而胤 伊爾壽而富** /.. J... Į 以介我稷泰以穀我士女 被有不養釋此有不飲務 帝作邦作對自太伯王季 撒帯崇畧 誕置之监老牛羊腓字之 人尚乎由行内要于中國 無此疆爾界陳常于時夏 **伊爾熾而昌 伊爾壽** 仰爾昌而大伸爾者 乃求千 主 肆不 不大

誰 而义 金片四月全書 古帝命武湯正域被四方 他他彼有屋鞍鞍方有榖民今之無禄 國是達 下國駿尾 調准無角何以穿我屋誰謂女無家何以速我獄 四句類 三句類 **禹數下土方外大國是疆** 受小球大球為下國級旅 莫敢不來享莫敢不來王 受小國是達受大 受小共大共為 宅殷土芒芒

匪先民是程匪大猶是經維爾/言是聽維通言是争 誰謂鼠無牙何以穿我墉誰謂女無家何以速我訟

虞呙質厥成文王蹶厥生于曰有疏附予曰有先後予 曰有奔奏予曰有禦侮 六句類 十二句類

决定四年全年 不知叫號或慘慘劬勞或棲遲偃仰或王事鞅掌或湛


松带葉零

或熊熊居息或盡瘁事國或息偃在牀或不已于行或

主

樂飲酒或慘慘畏咎或出入風議或靡事不為 然虞書載廣歌之辭曰元首叢胜哉至周詩三百篇 猶是經維通言是聽維通言是争至於四月之篇其下 屋誰謂女無家何以速我獄小是曰匪先民是程匪 五字甚多不可悉舉如行露曰誰謂雀無角何以穿我 余日正則雖詩體未全然略是五言之濫觴子以為 梁鍾嶸作詩評其序云夏歌曰鬱的乎余心赴詞曰名 三章率皆五字又十畝之間則全篇五字耳然則始 其 不

欠九日后 公上了 虞行於周逮漢專為全體矣 撒帚葉客 洼



欽定四庫全書集部

椒帚葉墨卷三

主事臣吕雲棟覆勘 腾録監生臣陳

詳校官庶吉士臣李傅熊

祁

敞帚葉器 若明備恨久而未有 文大器可觀矣而未 非缺典乎有金谿李 見而既然刻 包 撰

·劈婦如見其平生而親炎之豈曰小補之哉刻成命茶 興起者正由此學之明爾孰主張是孰綱維是先生殆 為明君師而當年國家治道之所以與隆人心之所以 於紹與己未迄乾淳五十餘年間時則上有高宗孝宗 之後千五百年能自得師大明此學而因其歷年之先 為之志其本末於後再三辭不獲乃僭越而言曰孟氏 都齊以補其缺典以與文集並行使學者得而觀之猶 以紀其始終之條理與世之所謂譜者異矣先生生 ると言 天七四年全ち 觀其譜其為人品器識之高也則天鍾之而清明在躬 人尊之而志氣如神自其兒時已如成人三四歲能思 若特為此學而生者發揮於迪開闢充拓之功大矣試 也則謂騎告自反約見善非外錄徒以交物有蔽自此 若先生超越世表其英傑之尤者乎其自課己學之進 凡遇事物動有感悟當聞鼓聲豁然以覺十七歲作大 人詩以見志昔人以千人為英萬人為傑以其年考之 天地窮際至忘寢食十三歲因解宇宙二字忽大有省 - V 敞吊葉茗

掌家事之時日用之功實有在於人情物理事勢之間 剖決義利着明而動心者或至流涕在浙則從游多俊 大發愧恥鞭策為鈍不敢自棄或於踐履未能純 深思力考究極精詳必造於的然而不可昧確然而不 傑咸聽言而感發在象山則學徒益大集皆聞教而屈 在家則遠近聞風來學而中情者或至汗下在白鹿則 可移以其言考之可謂學不厭矣其開發學者之盛也 稍知警策即與天地相似其於執事之敬當大進於 無

復三代乎何有其言當酬矣國家治道之興隆豈特如 考之可謂教不倦矣其器陳於鄭君之際也輪對五篇 服至若以書講明則又無處無時無之各隨其資以切 欠足四事人を与 之天命使得盡行其所言則所謂將無愧唐虞之朝於 自幸稍盡所懷天語甚詳問答不敢不盡至於遇合付 心開目明猶醉之醒寐之寤者其感應神速也以其言 不明白洞達深切痛快如鋒直破的如刃解中節使人 琢之不局於一方各因其病以鍼砭之不拘於一樂莫 版 吊葉 答

其言論風旨學者求之則自有餘師也然某當妄有隱 暨後方欲著書亦卒奪其於志可為發千古之慨歎惟 大其用遂不得盡究其學先是欲其學之行故未者書 荆門而已哉以其年考之惜乎天命不假之壽天子未 白治化所治久而益孚農賈安恬吏卒抑畏盜賊衰息 金ランドた 躬行之效在政刑號令之表者将達之天下矣豈特如 訟牒希少将及暮年已至無訟使得大其所施則所為 乾淳而已哉其小施於牧民之日也昭示皇極衆心曉 1577 次足四車 全雪 深遠之地誨言具在皆可覆也如自志學入凡五進而 茫茫如在門外如在路傍而莫知所從入其誤認以為 學者門也路也知所從入之門則必知內有堂室之深 極於從心自欲善入凡五進而極於聖神極深則有宗 知所從入之路則必知前有千萬里之遠先生以學者 門為路而誤入者尤多故其教多先指其所入以示之 慶遺慮馬言先生之學者雖多完先生之學者似少夫 乃發足第一步也由是而之馬方將循循以導其進於 敞帚葉君

學者實學者之負先生也是其可不謹思而明辨哉 妄加横議而亦莫有能破其横議之説者非先生之 而未知有積至崇成之功用是故有以徑捷超入之 先生之學哉抑嘗記先生之詩乎消流積至滄溟水拳 深遠處也苟或升而未入於室畫而遂廢於中猶不可 石崇成泰華岑先生滄溟泰華也學者或止涓流拳石 况今有近於入門入路一步之初遽止而不復進步豈 廟百官之美富悠遠則有博厚萬明之配合此先生之 たこのもには 說此書哉且其立言之體腴而若瘠澤而若枯切而 書於六經為最古古聖人自堯舜至周公七人而已其 同門云 終之底乎不負於所學不恭於先生是區區切有望於 譜雕明備又在善學者志其深者遠者而自强不息以 同乃能定此書然則後世非有真知聖人之心者安能 言則七聖之言其事則七聖之事惟聖如孔子與七聖 袁潔齊先生書鈔序 散吊藻器 岩

隨者亦皆聖人之徒也是果可以易言哉後世說者 明之所記者豈獨其迹耶併與其深微之意而傳之小 多らいるとう 大精粗無不盡本末先後無不白是當時執簡操筆而 言至約其體至備以為治天下之具而為二典者推而 不能名以為治天下之本號令之所布法度之所設其 既 緩文而若質所謂渾渾無涯者與謹嚴奇法正能之體 曰有神明之性有微妙之德使由之者不能知知之者 不同而以樸學不皆者多矣或者知之姑論唐虞 卷三 则

精實內而性分外而政理皆不失乎聖人之意而切於 則實用若肆筆直書初不經意不擇語者而無非整整 者释然正坦然明無虚文無泛論無節詞理則實理用 先生者志古學而欲師聖人庶幾知此歌蓋其所發明 先君子立志之剛求道之勇用功之密家庭之與屋漏 吾身天下之用其度越諸說者不其多敗觀其說可以 知其幾家大都不免以眾人而測聖人耳至若潔齊袁 知其人矣且深知父者尤莫若子予當聞諸蒙齊矣曰

次定四軍全書

敞帚葉岩

23

如 範 本世間浮海嶮城矯詐掩覆之態影響無有馬且自為 之隱莫非篤實無一毫偽內外上下一以質直不敗為 金グピんと言 太學生時學成行尊已雅為人所重居鄉黨為後學模 字觀之乎永嘉沈君僩好古博雅蓋盡得永嘉師友之 以學古而深於書者乎是書之鈔也其可徒以言語 源而卒定所學於文公朱先生自是公聽並觀博 而交友編天下不附權奸去國十年更化見用守正 日年踰八十進修問怠凡皆人所共知者此其所 文

大足切好 全日 廣微自號紫齊今為秘書少監云 之矣先生諱燮字和叔潔齊其自號也其子則名甫字 乎是以論其世也是尚友也有志者試以是觀之斯得 共之非徒可以見潔齊之學尚可以想見唐虞三代聖 必利於今其父子皆以是經取髙科矣何疑耶吁以 人之遺風馬此沈君美意也如以其說雖合於古而未 羣書有如此 鈔既得而深味之又欲廣其傳以與學者 天下之善為未足又尚論古之人讀其書不知其人可 敞带葉男 <u>بد</u>

金グレムと言 何今之貪者陰取如竊畫攫如刼無非盜賊也於是萬 **喋古人以不貪為庸行非盛德也猶之不為盜賊獨奈** 雖倉庫之弊例衆以為常例者亦一切拒絕不受予固 事自初度獨即加底訪覲得一二於百千中何難其 來久矣於此而欲求廉士何啻揀金於沙哉予忝將曹 仕於廣者虹飲貪泉鯨吞濁海贓污之氣毒於瘴霧其 久之僅見有稱廣之戸曹陳君山公者有狷介之風 送陳司戸亭

家訓存馬爾予觀其訓有曰初入仕路如人築室先固 **豈無所自而然哉溯其淵深則實以乃祖尚書公凛有** 亦可乎然以户曹君能不為貪泉所易濁海所污者亦 皆渴如淫我猶清如涓在今世在南廣謂之盛德事不 身净潔除俸禄外毫髮真與交涉又曰只是自家滴水 以逾人惟是律己庶勤又曰交了印記急急打疊待自 基址若基址不固稍或搖撼必至颠覆吾平生仕官無 ノー リーニーニー 有能應者則如鳳凰芝草雖童子亦以為美瑞矣泉 段 希葉器

一一好定四库全書 之人言咸曰實然豈不謂之難得數君請予書其家訓 之入耳著心故能以此守官三年之間一應不渝予採 之後予謂家訓不必養贊也在為子孫如君者堅守常 報國清白以傳家一毫不可得而涴也户曹君惟此訓 威令如火其奈一清應官員何莫能人奈何不得天地 思神亦将畏仰爾其終之自志以部後者亦曰廉勤 滴凍不用一錢選甚人奈何自家不得便須監司太守 日可也惟人心惟危天命不易所患義利之賓主

謂當謁鄉丈王元邁因舉里有初仕為縣尉便贓污狼 若可與而其往未可保所宜深思而痛省也爾祖訓 於後日非貞堅而磨必磷非貞白而涅必繼則始之潔 初仕之時而是非已取信於鄉人之論不可得而掩 不分德貨之貴賤不明則强勉於 欠己可臣公司 同盗跖語之十人十人不以為然夫何故毀譽既得 籍今忽有人云已能改節雖伯夷之不如語之十人 人不信乃自指云又有人言王元邁日來盡丧所守幾 散帚茶器 時或不能不改變

多分四人人 超帝鄉國橋門覽東南名山大川尋當世名賢才士者 信 始終一節使後雖有人言喪所守同盗跖而聞者皆不 少遠去多不越三百里少長別多不踰二三月惟當兩 地不難也姑以是送君之歸云 今君初仕亦似能先固基址矣自今以往惟謹守力行 規甫從予家君學予與規甫共學者十有八年矣時昔 而惟信君之終廉庶幾不恭嚴祖矣雖仕至嚴祖之 送吳規甫序

欽定四車全書 一 為他人道也每謂充塞宇宙洞然公共之理雖古大聖 蓋規甫資高爽未當語及卑下予資若深沉亦少語 話言言必曲盡或者予心非規甫莫知而規甫非予亦 在則若持棘端而箭鋒轍相值者頗自有以相樂非 浮淺視世之庸流匪經大猶而争聽適言者定問問也 未必盡知其心資雖不同而其趨向往往不合者鮮矣 近兩年在三四千里外餘則無一晝夜不相與處處必 强為是落落乃其素所安也有時大聲疾呼高談類 散吊案署 及

其開物成務之機者姑取之餘不暇録也此 聖賢曾取譬矣安宅也正路也始而入門中而升堂終 辭章問為姐與識見以自喜此等實不能與之强合 若及後世則人必雄資英界事必後功 非宗其人也視世之宗一家主一 之所本而尚私 以來聖者可師則師之賢者則友之本無常師友亦 不敢有秋毫加損特不過共發明扶植之耳 門户堅閉不可開又且徒乾沒於記 說專一義不知實 偉績少足以 理之茂 故 自 也

道云平哉故生平取友於世如揀金於沙常恐弘道之 得其門而入矣自是言論之際乃能及其堂室中精微 與規甫終始共學不離朝夕相觀相摩相激品無幾同 難其人不足以相推挽而上適足以淪胥而下也方 事今世益降人益卑雖號為力學者方與安宅正路背 而入室不可越也予與規甫已當謂於父師講切之次 次之四年全書 一 事欲挽而回之不可得不覺去堂室之益遠爾豈徒無 而馳馬無入門之期也與斯人而言如反引出門語 敞吊葉客

未足也其同道以為謀麗澤以為悦也可卜矣况吾徒 相值不克相養以遂而忽為有力者奪去蓋逐去千百 當不至於至道至德至聖至神之室不已也不幸兩貧 堂合室適道立權可與於後日爾理有極至知所入者 以宇宙為一心一心之外無餘地予之處規甫之出孰 侯之得於天者厚進於己者博而取於人者懇懇乎其 夙心之未竟而予之失助也所幸新昌孫侯乃賢主人 里長别六七月前乎此者當一再而未多見也甚矣子 イクレス イニ

當以自勉規甫其勉之 事物不足適也言行不足問也心術深微之利病氣質 彼 無戾于初無畫于中無愧于終揭天地之中以起偏 之大以開來随使為宇宙全人自淑淑人無二理也子 出日月之光以燭昏庸運鬼神之變以發深銅舉江 東受之偏正已熟講之而熟知之亦各自化之而已矣 孰此孰雜孰合哉規甫行矣以規不以頌予當何言 7 2 2 1 記 较而禁署 t 陂

蝕斯人敬畏不至玩弛而天下國家有所賴以主張 一多定四庫全書 維者乎蓋天地有盛德氣其氣為仁而溫厚時則特以 臣俱非常人非世所常有者惟天地立心為天下國家 有尊嚴之名臣如嚴師斯人之所以敬畏也而名儒 天下有盛德之名儒為明師斯道之所以開明也國家 人道計則或間生一盛德者出而為天下之儒又或間 一尊嚴者出而為國家之臣庶幾斯道開明不終晦 華慶府學二先生祠堂記 名 紭

先聖覺後人微而性命根本遠而聖賢淵源始開明 純粹混無主角溫厚之所鐘也孝肅剛正峭直儼有庶 嚴疑時則特以生名臣有若包孝肅公者馬元公沖和 日星是後學者滋泉而同煞理義之為悅為節操為政 其平生之所建立之所成就為學術為德行則足以 帥而二公之生其所關於天下國家人之道也大矣故 稜嚴疑之所鍾也是其體皆天地之塞其性皆天地之 生名儒有若周元公者馬天地有尊嚴氣其氣為義而 えいうし こう 版部旅客 承

多完四年全書 於今稱之然去之二百年間其遺跡之可考者鮮矣獨 越乎天地哉元公常两持廣節孝肅當一守古端人到 同其深真可謂盛德尊嚴之至而仁義之備還足以對 師而臨之在上質之在傍者與廬山長同其高與廬江長 重當時而照來世雖死如生雖亡如存常如侍嚴明之 二公皆卓卓名世雖沒世不忘也源溪之名包家之稱 雅亦敬畏如雷霆是時朝廷益尊而隱然社稷之增重 事則足以動明主服生民中而貴戚官寺外而田野童

歌定四車全書 一 肅時州歲貢硯前守縁貢率數十倍以遺權貴公命製 足以見二公之為不可及矣今古端郡博士呂君中學 至者亦必緩視徐按以洗完澤物為己任此其恤遠之 聞元公時不憚勤勞不避瘴毒雖荒崖絕島人迹所不 元公之所學而又自造之深有所自得者慨然以他郡 有肅於秋霜而寒於冬雪者然則即此遺跡之一二己 者緩足蔵滿不持一硯歸此其律己之義凛乎嚴凝蓋 仁藹然温厚蓋猶風以春風而雨以夏雨者且獨聞孝 敞帚葉畧 占

|學皆有祠而此學獨為 缺典且孝肅雖有祠而未稱 祀馬屬某為之記顧某雖不能文而君不容其辭也且 於是禮以義起遂合而祠之使端士知所嚴事而以時 謂常有感於元公按部之餘有聞有山巖即去尋與到 浮莫不常遊而留題馬豈獨於端而無之端有星嚴意 官處處須尋勝之句故若連之大雲康之三洲惠之羅 **敏崎僻絕之中兹信如公詩之所述而其髙懷雅韻之** 必當至其處一日與士友搜求之果得其心盡之真於

志也基因謂君曰令人自義爾一形驅之外視世之事 遇皆真景真趣悠然理融怡然心會是即寫前草不除 之深處敷盖上下本同流何莫非我事曾不見有他事 物貌然與我不相關也如公轉告每尋山嚴之勝者人 見於端者如此益知祠之當與以起那人髙山仰止之 不見有他物而豁然無所馳求係累也故公隨所至所 而 往往直以為遊觀之適而已夫豈知此興非淺而正公 洞然無少間隔滞礙也萬物本皆備何莫非吾物曾

決定四軍全書

敬吊葉客

支

者苟知此一節即知公節操政事之峻潔殆與彼聞風 求者異矣若夫孝肅之遺風餘烈亦何必他求哉今仕 即知公學術德行之高明要與彼徒按圖而索即書而 之機而浴所風害吾與點也之意也學者首知此 而貪夫魚懦夫有立志者幾矣府博士之為是合祠 視公之介馬如石一硯不取之事豈不為之愧死數仕 有羅鴻之氣雖毒未足憂而贓污之氣惨深可畏者回 于廣者紅飲貪泉鯨吞濁海陰取者如竊畫攫者如刼 卷三

謂不可以强合則亦疑於義之未精而未易以輕議是 孰不曰宜如或欲以學術德行與節操政事裂而為二 為亦足以發乎未之或知也姑以復郡博士之請云 灸而行景行於斯是祠乃所以示教也於斯而有所感 不知其幾倍從矣神之聽之洋洋如在又不知以斯言 發與起馬則其度越乎徒為包氏周氏等章句之學者 祠成而端士之登斯堂也如将見而消部各於斯如親 7 ... 1. ... 山書院記 t

為己之學具有本末應舉之業不與馬故在他人則以 如唐君準希易是已然希易常闡師友之講明以古 | 欽定匹庫全書 文風彬彬矣始而小試郡縣學既多隨所習能中其選 幹畧傑出諸郷久則自質而文蔚然以變燦然以興而 後如城者皆山也其山自野母而來原悠遠而支悠長 乃奇秀所會之一勝處也故其鍾而為人多挾智能負 北溪之上下崔氏居馬蕃行熾昌大族也環繞其居前 而秋貢於郡國春貢於禮部則有為本經之首選者 Ņ

為吾事已畢在希易則以為吾方自今始其心飲然不 之協衆力鳩衆財即其祖居之傍創為書院規模甚鉅 之聚耳非吾之所當任其責乎乃集其宗族之親而議 敢以其已試之效自足而汲汲馬將窮諸經之旨究諸 會講有堂肄業有舍休宿有室郡無之寬門庭之嚴庖 以帥之而莫之從無以倡之而莫之和無以統之而莫 **淑亦将以淑人况吾之親族自有可選造之士特患無** 儒之論與有所進而未已也然希易又知學非特以自 フシ こう 放不業者 ŧ

| 銀定四庫全書 盖者因為諸友發之可乎夫以書院名是所主在讀書 請記於予予調敢不叙述其美然言有若迂而甚切有 之所未有也自是而往明經取青紫特其餘事衮衮而 澤於斯試功課效於斯規矩森然率履不越蓋前乎此 次有堂長學長齋長諸職又相與勵翼之截修於斯麗 為名而揭之萃諸子姓就學其中希易既自以身教之 來今方權與耳希易之從弟布彦來道書院諸友之意 温之備當得朱文公先生所書町山書院四大字因以 卷三

道書即道道即書非道外有書書外有道而為二物也 道之所傳不在於書而古聖賢之所以為聖賢者以有 岩彼其多晚周以來下歷秦漢以迄於今文字之多至 也抑予聞之先儒曰唐虞以前載籍未具而當時聖賢 自道人自人而三者判然支離矣問其書則沒然能舉 患在人以虚文讀書而不以實理體道遂致書自書道 **所在矣是以實學之非書也然予謂聖賢之書所以明** RELIDION LIAMO 不可勝計然曠千百年求一人如顏曾而不可得則是 版帝荣器

金牙四四人 如市人者滔滔也况讀書非為應舉也若其所讀者徒 其文問其道則茫然莫知其實甚至口道先王語而行 秋而知行事之深切著明則何負於讀書乎此固不 **器讀詩而能授政之通達讀禮而見禮樂之中和讀春 儒又皆謂讀書而不通於心不有於身猶不免為書肆** 以為取科第之媒釣利禄之餌則豈為貞志者哉且先 不辨也抑今之以鄉貢而進者曰得舉盡亦思古之 耳如苟曰讀易而悟性命之大原讀書而得帝王之大

第一如能試入此科也其高尚有過此者乎由此其選 者宣不曰名甲天下之為美也然孔孟之門各有四科 **大三百戶公告** 則仁義忠信之天爵既修而公卿大夫之人爵皆將 文學下矣事君人者非矣未達而在下則顏子甲四科 以奏名而髙者曰及第盍亦思昔有表古今人物者凡 而德行為第一已達而在上則大人甲四科而正己為 九等也吾豈容不希及乎上上之等第乎今志在科名 里選舉者以道藝也吾豈容不求進夫道藝之可舉平 散带荣客. 九九

復諸友不知果以為切而不迁乎 用 卷單縣之中又自有四代禮樂之盛典何慊乎哉讀書 之不然則有華躬耕之野固自有堯舜君民之大業 金好四因石言 見於肚之所行書中經綸之道畧不得其一二以施諸 而聖賢之道如此然後見書之功用實而非虚也徒以 日之長一時之文權萬科登顯仕而幼之所學曾不 則非予之所敢知也此學者之法戒也敢述其說 鳳山新城記 陋

治已最高而此山又高出十丈去都僅一里而近俯 秀萬狀皆似重城之周遭而去都似猶三里而稍逐若 一个一个的孩天作地設斯亦奇 矣都守雷侯之始至 玉而流遠來而環於前山如鳳凰昂首而起鼓趙而趨 ここうにここう 也即振衣山之絕頂四顧而漢曰肝江固如自然之池 于千仞而極目千里不見窮極泛觀四境羅列衆山奇 昭 昭矣猶未若鳳山尤如自然之城馬蓋其勢真若 昌為郡南挹盱江北負鳳山江如銀漢從天而下引 後吊葉客 Ē 翔

之速節以制而不見傷害辨以静而不動聲色董其役 為防禦守備之勝地亦並行而不相悖也兹非其時 好完四庫全書 侯文事既敏武備尤習惟超然識處之遠故慨然與作 有而置之郛郭之外可乎先為登臨遊觀之佳處今當 為城患無山爾未有不依以設險者或視此山如非 則争山為據以得山為勝於守地則有山為鎮又因山 險要不在兹乎今日敵患己深地勢當擇昔人於戰 城内之市井人物歷歷可數雖一髮不能逃也一都 W. 悉儿 净 我 地

規模方定工役將與不敢自專也於是具聞于朝有旨 當募精率而别置也戍兵非食熟養當撥官田而別行 城之蓋厚一丈八尺萬二丈五尺長五百三十丈以與 者委前江西路分守李君忠授以成規欲盡包一山 麋給庶幾區畫咸得其所不至歐漏有遺應者自厥 北曰仰高皆雄偉真千里之保障也又念城非兵孰守 正城相聯接上下相綱維內建塞外闢二門南曰景福 從所請賜名曰鳳山寨至此然後長守無疆之計 後年来 Ē 初

之所未有也可不調盛矣哉嗟夫有郡此有城有城 無 欽定匹雄全書 之因而無缺而新池淵淵與新城巍巍實助乎此前此 限過計深廣之數深凡二丈五尺廣凡十丈環繞總計 城之峻極自據地險舊城在平地東雖有江山而未有 矣若夫前乎九里之城素稱堅確好仍舊實可也然新 九百餘丈民樂不擾池成無怨又至是始足以全金湯 則與無城同不可也侯又有感馬迺度土功迺定界 不周備而凛不可犯此不可拔可以成安疆之勢 爽

苟非明足以知之審斷足以行之決則亦有易搖於異 惟 始之難而未至樂成之日有不能不議其迁而不切爾 有退縮而中止者吁亦難矣侯則保惠斯民一念真切 議者或者雖知之而欲行之回視郡計之不給往往又 列郡之所不敢輕而尤邊郡之所甚重所患人情當處 とこりられる 明 有池有不可以缺其一者非為己自衛為國衛民也此 有盡絕他費專成此務此城池之所以僅克有濟 斷有素非浮言所可惑且雖貴無所從出所可擬者 版吊葉器 主

多分四月全書 非所急乎此候所以不憚煩難而有志竟成事也况候 建昌在江西上游固非邊郡可比然試觀江湘近事古 識其大器以復候命侯字宜叔名宜中先以編修出守 未有如此敵者此郡殆如次邊矣浚築之役尚可以為 與持久郡之公計也命某記之不容以不文解乃為之 矣其所以表己者似此為難能也亦豈曰小補之哉侯 雖不以為功獨謂不可無以詔後來說相與扶植使可 方以此景定庚申二月視郡事僅至五月而已有召除 ***** 卷三

由其道其德有出類拔萃之實乃足以居是臨下御泉 成王召公而見於易與詩者也至夫子則言之見於魯 至尊且貴者莫如天子之為君是固其勢分然者抑 今以吏部考功入覲云郡人包某記 論者凡六十有五門弟子之言不與馬他經如庸學又 君子之名起於誰乎昉於禹而見於書詳於文王問公 不與馬不知厥初之未有此名而以何義起乎天下之 ススラー かいま 君子軒記 散吊葉岩 Ī

多分四月全書 道可尊有是德性可貴則因亦名之曰君故人心謂之 同有而非君之所得專者道德莫過於性仁苟有是仁 子眾子而凡子徒可以為其臣僕爾故君子者以成德 然度越乎眾男子之上而獨可尊可貴馬則是足以君 之卑陋猥賤者多皆凡子也其間如有奇偉男子者卓 心之為君有天子不得而臣者若子者男子之通稱世 天君正以道德尊貴稱非以勢分稱也其身雖卑賤而 之名也然性為天地之貴仁為天爵之尊則實人之所

懼禍福而直言之非其有膽氣之肚乎又非特文鋒 實之不可不勉者夫廣都有貢士曰曾君悉文鋒銳而 以答之者各異雖亦因其人品資器而示之以進修成 名而去仁則無以成名此其名之所從立敏若求其實 膽氣壮者也凡三試春官因上萬言一書獨乞建儲 就之方然尤可以見其有名必有實名之不可虚居而 則又果何如哉昔子貢子路司馬牛當有問而夫子所 大事當上下凛然未敢有言之時乃以一書生慨然不 我不管君

一欽定四庫全書 則各一卦一事而亦各一道一德也大象與詩之君子 皆可以為君子易之大象凡以歸之君子者五十有四 者有善之同名其實則為善不同善無常主得一善則 一軟然天下國家之事凡所當言者義也非為名也若君 子之名所當居則君子之實可不勉軟夫君子者亦賢 寄命大節不奪為君子曾君他日可期以進此一節者 以其為曾氏之子而望其希曾子之言也曾子以托孤 鋭也廣信使君徐公謂禮嘉其志遂以君子名其軒蓋

被非一得隨其所行所得而均可以為君子耳如夫子 之學者設而亦有上之人若所可共由者盖道非一路 則皆通上下而言之人君亦君子也若魯論則多自下 又謂君子道者三我無能馬則是其極至者雖其學不 以子賤南宮适為君子哉若人乃各因就其言行之美 厭已聖益聖而未當自足也然充而上之君子者亦豈 而稱之其謂子產有君子之道四馬則以僅得其四耳 2.102 har 可以易言哉雖然君子者固已出乎衆人之表而亦未 敬吊葉岩

